

08/05/2020

## Sigaba Sabokhewane Lulwimi Lwasekhaya

Kusemini balingani bami **beSigaba Sabokhewane Lulwimi Lwasekhaya**, Kulemphelasontfo letako kungaba kuhle nawungacabanga ngekutfutukisa likhono lekuvisisa lebantwana labancane ngekutsi ubacocela tindzaba, ubafundzele tindzaba nibuye nicocisane ngetindzaba letiphatselene netenkholo kanye netigameko temasiko, njengeliPhasika, iRamadan nobe iPesach.

### LISU 1: KUTFUFUKISA SILULUMAGAMA LESIJULILE

- Kubalulekile kutsi sitfutukise likhono lebantwana lekucabanga ngelulwimi lebafundza ngalo esikolweni (iCALP). Batayidzinga lenhlobo yalulwimi kanye nemagama ngalesikhatsi ubacocela tindzaba, ubanika neticondziso nobe ucocisana nabo.
- Loku kubaluleke kakhulu eLulwimini Lwasekhaya. Nangabe bantwana banelwati ngentfo letsite futsi bayivisisa ngelulwimi lwabo lwasekhaya, loku kubenta babe setfubeni leihle lekukwati kudlulisela lolwati kulolunye lulwimi.
- Njengoba sisandza kubungata impheasantfo yeliPhasika, ungahle ufune kwenta siciniseko sekutsi bantwana bakho bayawati futsi bayawavisisa lamagama ngelulwimi lwabo lwasekhaya: *inkholo; tigateko; lisontfo; bungata; Likhola; lisontfo; inkholo yemaMuslim; indlu yelisontfo; ngekwendzabuko; emadloti; inkholelo; umthandazo; luphawu; umfanekiso; wabetselwa esiphambanweni; lithuna; bekamlindzile; uvukile, njll.*

### LISU 2: KUTFUFUKISA LWATI LOLUTAYELEKILE

- Bantwana nangabe banelwati lolunye nobe lolutayelekile loluphatselene nesihloko lesitsite, baba setfubeni leihle lekuvisisa kabanti itheksthi lebhaliwe lephatselene naleso sihloko.
- Ngako-ke kubalulekile kakhulu kutsi bantwana bafundziswe lwati lolusha njalo.
- Kwente loku ngekutsi ubafundzele tindzaba, ubacocela tindzaba nobe ubukele kanye nabo emafilimu, tindzaba letiphatselene nemphilo kumabonakudze nobe ku-intanethi.
- Kwente loku ngekutsi utfutukise lwati lwabo lwekwenta tintfo letitsite kanye netintfo letenteka malanga onkhe. Bakhombise ubuye ubachazele bantwana kutsi tintfo letihlukene tentiwa njani, njenge: kupheka kudla, kulungisa intfo leyonakele lefana nemshini, kuhlanyela engadzini, kwenta luhla lwetintfo lotatitsenga nekwenta ibhajethi, kuvisisa umtsetfo lophatselene nemdlalo.
- Basite bafundzi kutsi bakwati kwenta budlelwane emkhatsini wethheksthi lebayifundzako kanye nelwati lebanalo.

### LISU 3: TETAYETENI KUFUNDZA TINDZABA NDZAWONYE NIBUYE NICHUMANISE TINDZABA

- Cocela bantwana nobe ubafundzele tindzaba ubuye ubakhombise kutsi sikuchumanisa njani loko lokwenteka endzabeni kanye nelwati lesinalo.
- Bakhombe **silulumagama lesisha** lobachazele sona nobe lohlangane naso esimeni lesihlukile.
- Basite bantwana bakwati kuchumanisa lokwenteka **endzabeni naloko lokwenteka etimphilweni tabo**. Shano utsi: Ngabe loku akwenti kutsi ucabange ngalesikhatsi wena...?/ Ngabe uyakhumbula yini ngalesikhatsi...?.
- Basite bantwana bakwati kuchumanisa lokwenteka **etindzabeni letimbili letihlukene**. Shano utsi: Ngabe loku akwenti kutsi ucabange ngalenzaba ya...? Ngabe loku kufana njani?

- Basite bantwana bakwati kuchumanisa tintfo letenteka **endzabeni nasemhlabeni**. Shano utsi: Khumbula ngalesikhatsi sikubona loku ...? Loku kuyafana ... / Loku kufana nalentfo lesiyibonile etindzabeni itolo ebusuku, lapho..., njll.

Kulabo labatawuba nalo litfuba lekubungata liPhasika, sibafisela liPhasika lelinekuthula nalelibusisekile,

**The NECT and DBE Team**